

Vuk'uzenzele



Produced by Government Communications (GCIS)

English/Sesotho

| Mmesa 2019 Kgatiso 2

Steps to curb women abuse



Building a better SA with social partners

Page 4



President Cyril Ramaphosa officially opened the Booyens Magistrate's Court and signed the GBVF Declaration. This has been hailed as a step in the right direction in ending women and child abuse in South Africa.


President Cyril Ramaphosa has reiterated that women abuse has no place in South Africa. "It should also have no place in our homes, at places of work, churches, schools and on the streets of our townships, on the

pathways of our villages and also in our cities and towns," President Ramaphosa said. He was speaking at the official opening of Booyens Magistrate's Court and the signing of the Gender-Based Violence and Femicide (GBVF) Dec-

laration in Johannesburg recently. The state-of-the-art Booyens Magistrate's Court comprises 10 courts, including four district courts, Civil Court, Family Court, Children's Court, Small Claims Court, as well as two regional courts for criminal

and sexual offences. The declaration, on the other hand, is borne out of the National GBV and Femicide Summit, held in November 2018, in an effort to find solutions to GBV and femicide.

● **Cont. page 2**



Young mother leads autism awareness drive

Page 5



ALSO AVAILABLE ON:



@VukuzenzeleNews



Vuk'uzenzele

Websites: www.gcis.gov.za

www.vukuzenzele.gov.za

Email: vukuzenzele@gcis.gov.za

Tel: 012 473 0353

FREE COPY

Did you know? THE 2019 ELECTIONS WILL BE HELD ON 8 MAY 2019

Ho tseba ka bohloko ba othisime

Bakeng sa batswadi ba nang le bana ba tshwerweng ke othisime, bohloko bona bo bakapherekano, tsieleho le ho itshwabela. Batswadi ba bangata ha ba hlokomela bohloko bona kapa seo ba ka se etsang ho thusa bana ba bona ho phela bophelo bo tshwanang le ba bang.

Bohloko ba othisime ke eng?

Othisime ke bohloko bo sa tlwaelehang ba methapo mme e qala ho tloha nakong ya tlhaho mme e qala ho bontsha matshwao dilemong tse mmalwa tsa pele tsa bophelo ba ngwana.

Ngaka ya mahloko a kelello ya Sepetlele sa Akhademi sa Steve Biko, e leng Julia Mathabathe, o hlalosa hore bana ba tshwerweng ke bohloko bona ba othisime ba bona lefatshe ka tsela e fapaneng le ya bana ba bang.

"Ba na le bothata ba ho buisana le ho amana le ba bang.



Ba na le matshwao a ho ameha a fapaneng a sa tshwaneng le a ba bang; ba ka fofonela, ba bona kapa ba utlwa ka tsela e fapaneng le ya batho ba bang.

Ba ka ba le kgalefo, ba itabanya kapa ba itematsa," ho rialo Mathabathe.

Batswadi ba ka fumana ho le boima haholo ho laola boitshwaro bona, haholoholo ha bo etsa-hala pepeneneng, ka pela batho.

Batswadi ba ka thusa bana ba nang le bohloko ba othisime jwang?

Mathabathe o re ntho e kgolo e lokelang ho tadingwa bakeng sa ho alafa bohloko bona ba othisime ke hore batswadi ba tsebe kamoo bana ba bona ba bonang bophelo ka teng.

"Batswadi ka nnete ba fela ba lokela ho leka ho ipeha

maemong a ngwana wa bona.

Ba lokela ho fumana mekgwa e lokileng ka ho fetisisa ya ho buisana le bana ba bona ka mantswe kapa ka diketso e le ho utlwisisa matshwao ao ngwana a a bontshang. Mohlala, haeba ngwana a ile a imelwa ke maikutlo, o lokela ho hlokomela se bakileng hoo ebe o tla fetola boitshwaro boo ho kgema le ditlhoko tsa ngwana ka tsela e lokileng ka ho fetisisa."

Mathabathe o re ho molemo hore batswadi ba batle thuso ka potlako ha ba eellwa matshwao afe kapa afe ka ngwana wa bona.

"Ha bohloko ba othisime bo lemohwa esale pele ho ngwana, menyetla ya ho ntlafatsa maemo a bophelo ba ngwana a batla a phahame haholwanyane. Matshwao ana a bohloko ba othisime a tla qetella a fedile ho hang ho 3% tsa bana ba hlokometsweng ba pakeng tsa dilemo tse pedi le tse nne. Nakong eo ngwana a fihlang dilemong tsa

bosupa ho isa ho 11, ho tla ba le diphetoho tse kgolo mme ngwana a ka ba a kgona ho phela bophelo bo tshwanang le ba ba bang."

Batswadi ba ka isa bana ba bona hokae bakeng sa kalafo?

Mathabathe o re diketsahalang tse ngata, bohloko ba othisime ha bo ke bo alafaha ka botlalo, empa bo ka laolwa ka matla. O eketsa ka hore matitjhere a na le seabo sa bohlokwa bakeng sa ho lemoha mathata ka bana mane sekolong, le ho eletska ka hore ngwana a fetisetswe ho ngaka ya mahloko a kelello. **U**

Ho tseba haholwanyane le ho thola keletso mabapi le bohloko bona ba othisime, batswadi ba ka ikopanya le Autism South Africa ho 011 484 9909. info@autismsouthafrica.org.za

Mme ya sa leng motjha dilemong o etella pele letsholo la tlhokomediso ka bohloko ba othisime

Galoome Shopane

Letlhodilwe Moroe, ya hlahang Bloemfontein mane Freistata, o tlhokomedisa setjhaba sa habo ka bohloko bona ba othisime.

Jwaloka mme ya nang le moshanyana wa dilemo tse 11 ya nang le bohloko bona ba othisime, o ile a fumana e le boikarabelo ba hae ho thakgola mokgatlo o sa etseng phaello, o bitswang Tokologo Place of Hope, o tsosolosang phadimehiso, ho fana ka dintlha le ho tshehetsa batswadi ba nang le bana ba nang le bohloko ba othisime.

Moroe o dumela hore batswadi ba nang le bana ba nang le bohloko bona ba othisime ba na le kutlwisiso e fokolang mabapi le bohloko bona; haholoholo ba phelang metseng ya makeishene le dibakeng tsa mahaeng.

Othisime ke bohloko ba kgolo mme bo tsebahala ka bothata ba ho buisana le batho, ho theha dikamano le batho ba bang esita le ho sebedisa puo.

Ka mokgatlo ona wa hae, Mo-



Letlhodilwe Moroe le mora wa hae Sihle ya tshwerweng ke bohloko ba othisime.

roe o thusa malapa a laolwang ke bana esita le malapa a bana ba nang le bohloko bona ba othisime ka ho fumana tjehelete ya mmuso ya dithuso tsa kgolofalo, meriana esita le kalafo.

"Othisime ke phephetso e

qosang haholo ho motswadi. Ha motswadi a amohetse hore ngwana o na le bohloko ba othisime, hona ho etsa hore bophelo ba ngwana bo be betere."

Moroe o itse bophelo ba hae bo ile ba emisa ha a fumana

hore mora wa hae o na le bohloko ba othisime.

"Ntho e nngwe le e nngwe e fetohile, ke ne ke sitwa ho sebetsa, mme sekolo le kalafo bakeng sa mora wa ka di ne di hloka tefello tse phahameng."

E le ho batla monyetla o betere bakeng sa mora wa hae, Moroe o ile a fallela Gauteng ho fumana dikolo tse sebetsanang feela le bohloko bona ba othisime, kaha mona Freistata di ne di le siyo.

"Mona Freistata ho na le dikolo tsa bana ba holofetseng, empa ba amohela feela bana ba fihlang ho palo ya borobedi ka phaposing ya borutelo hape lenane la bona la ba emetseng ho bitswa le lelelele."

Esita le diphephetso tseo a tobaneng le tsona, Moroe o itse ho ba le ngwana ya nang le bohloko ba othisime e bile tlhohonolofatso.

"Maemo a bophelo a mora wa ka a mphile matla a maholo mme a nthutle ho ba le mamelelo. O filwe mme ebile o rata ntho tsa theknoloji. O hlwahlwa haholo ka theknoloji."

Ke diphihlello tse nyenyane tseo Moroe a di babatsang le ho di thabela ka katleho ya bophelo ba mora wa hae.

"Mora wa ka o maemong a betere a thabisang haholwanyane ha jwale, o ithuta ho bua, o kwetlisitswe ho ikisa ntlwaneng ebile ke kgona ho beola moriri wa hae a ntse a tsohile."

"Ha motswadi a amohetse hore ngwana o na le bohloko ba othisime, hona ho etsa hore bophelo ba ngwana bo be betere."

Moroe o na le boikemisetso ba ho bula setsi sa bohloko ba othisime mane Freistata ka letsatsi le leng. **U**